

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二二四冊

責任編輯：孫言誠 賀 偉

ISBN 7-5333-0615-5



EB46/10

四庫全書存目叢書·集部二二四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53.5 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二二四冊目次

集部·別集類

眉三子半農齋集八卷

〔清〕蔣中和撰
復旦大學圖書館藏清康熙二十年刻本

一

陸密菴文集二十卷錄餘二卷詩集八卷詩餘四卷

〔清〕陸求可撰
中國人民大學圖書館藏清康熙二十年王霖刻本

三七七

恥躬堂文集二十卷

〔清〕王命岳撰
福建省圖書館藏清康熙二十三年刻本

五八二

眉三子半農齋集八卷

〔清〕蔣中和撰

復旦大學圖書館藏清康熙二十年刻本

附《四庫全書總目·半農齋集

八卷》提要

心銳氣悉化爲統指而咄咄書空之態亦不復作於是歸而復理前業又將十年老矣搜得蠹笥中先後所存煙煤敗筆若干首稍加詮輯得八卷曰此吾消愁清涼散也得失自知何問人爲遂漫付梓人嗟乎吾敢自附作者之林哉白樂天有言凡人

自叙二

猶有取焉豈非以嗜欲易搖不得不姑有所寄以免見異而遷耶余因是而悟山川古人之惠我厚矣人情所鍾大約莫切於妻子其次友朋然往往一言齟齬遂戟手相向不難盡棄其生平卽挾西江猶以爲餘憾未滌試曠而質之六合之山川舉吾胸中欲歌欲泣欲笑欲罵者矢口恣其雌

黃不問其能受與否也而山川嗔乎否更
邈而質之百代之古人舉吾胸中欲歌欲
泣欲笑欲罵者矢口恣其雌黃不問其能
受與否也而古人嗔乎否非惟不嗔且引
而進之同堂謂我爬搔疇當可以死無恨
卽不然亦甘苦各自知寧相厄哉自世儒
泥古排今謂文必班馬詩必李杜理必程
自叙三

朱印定時人眼自由是眩於其說者含咕
嚥而外往往閉腹自封以爲鴻溝旣劃卽
殫精疲力無益也夫盜優孟之衣冠固不
可遂以爲叔敖然盜者自盜真者自真如
必欲盡棄其糟粕以明兔魚無事乎雌黃
是又不啻有波之水而強其無波能鳴之
鳥而強其無鳴矣不甚負山川古人之我

惠乎夫山川有色而不能自言古人言才
盡意而或有望於後之人代爲之言此子
與氏所以有誦詩讀書論世知人之說奈
何一聽其悠悠下同於草本且其所以自
處果遂能中立勿敗否今夫世祿之家弱
子孱孫非不欲其安且佚乃少長卽督之
就外傳又少長卽督之應制科固有白首
自叙四

無成老死牖下者矣然終不逆計其無成
而遂聽其遷業固將以是世箕裘亦懼其
出此入彼或遂流爲椎埋屠狗故寧拙而
失弗敢巧而獲也余秉資拙劣少旣鹿鹿
困於簿書未能專精殫力採菁華於車塵
馬足之間晚復經經困於家食乃猶欲洞
胸刮日照汗青於披笠荷鋤之際恐古人

人雖往而古人之與天地山川交相輝映
者則固常與今人相上下不設境而施不
擇人而予余因得寢處食息妄肆管窺撮
酸醕以資餽飮拾咳唾以備宮商猶之三
代盛時凡孤臣孽子處士羈人卽一觴一
詠類得寄之斷簡殘編使百世而下讀其
文想見其人卽造物亦不能強生區別禁
自叙五

其勿吐也倘質質焉惟知飽食終日以干
小慧之譏是向之輟耕而事呶唔廼所以
謀溫飽而非所以承先志毋論無以酬伯
兄氏於地下且安知不遂爲椎埋屠狗哉
皆在

康熙歲次辛酉孟冬月望後三日蔣中和
眉三氏漫識於半農齋中

眉三子半農齋集目錄

詩部卷之一

凡三百七十二首

文部卷之二

凡四十九首

論部卷之三

凡二十五首

策部卷之四

凡九道

半農齋集

目錄

一

史部卷之五

凡一百九十一事

史部卷之六

凡一百七十七事

說部卷之七

凡二百零八則

說部卷之八

凡二百六十四則

眉三子半農齋集目錄終

荆三子牛農齋集卷之一

靖江蔣中和著

詩部

五言古

秋感

百卉爾何腓。物役勞遷次。羲皇去已久。淳風邈難暨。俯仰今昔間。無端生怖悸。自顧渺渺躬。蟻虱同憔悴。晨起步中庭。消真移我意。地僻向人閒。兼之寡名利。蟬聲聞樹端。推窗見薜荔。晚雲亂山窩。日出遙相避。萬物與時偕。何能別爲異。

牛農齋集

卷一

清真觀臥病

淒風生肘腋。造物何相厄。孤館寄形骸。不能自捐擲。鄉夢迷空床。長吁延晨夕。日月無意緒。徒照空山石。

贈莫兼山羽士

茅窩埋荆棘。幽人自力食。道書藏胸中。不畏青苔塞。把酒彈素琴。醉忘豐與嗇。拙身畏高飛。一枝堪避弋。徜徉元氣中。大地豈改色。林鶴去悠悠。願君爲羽翼。

輓劉處士君道

良馬棄在廐。乃求千里驥。良玉棄在匱。乃求千年璵。物色困無鹽。安得斷金利。所以古之人。每多按劍忌。吾邑有劉

子少年抱利器。一試輒冠軍。旋復遭中厥。棄積且還珠。於焉絕妄覲。華咩效小忠。童蒙展微志。篝燈三十年。未嘗甘自棄。逃名各不隨。桑梓如異地。典型吾素欽。竟未親把臂。求友忌因循。反躬得無愧。聊爲賦短章。庶當難黍義。

輓馬秀才叔贈

爾衡恣恢諧。終爲黃祖廔。嵇康抱逸才。終還蘇門識。脫穎固有時。欽鋒亦有則。馬子何琅琅。秉姿挺孤直。和光非所好。超超不自得。未波先退棹。所希在立德。穿坐愛苦吟。冥搜神莫測。外枯類木雞。內實無通塞。攀崖力正雄。遽赴玉樓勅。東海魚千尋。南山芝五色。採釣伊何人。奮飛無羽翼。

牛農齋集

卷一

坐視白髮侵。所悲在耳食。五岳起寸心。夜夜風雨黑。

過成安輓溫公瑜同年

山玉有瑕瑜。世路有通塞。古人不我俱。俯仰增嘆息。我愛溫公瑜。古風獨抑抑。向與交長安。斯時意方得。追隨舞雩遊。渠獨懷修慝。捧檄令浙陽。曠直無修飾。厥後又三年。予乃得就職。相距七百里。同病遙相憶。亡何君內遷。紆道爲予卽。雖無赫赫名。而有去後德。予不耐脂韋士。紳頗荆棘。幸君賜良規。拊躬知自克。別後又逾年。予遂老家食。君才老更雄。關薦多英特。循例擢外藩。兼理湖關殖。遺愛遍江干。所至無剽賊。予復叩君門。澗酌蘇頌刻。君遂踵二蘇意。

在防傾丕壽考兼令名身世兩無忒予復過君里墓林已
如稷揮泪詢父老父老生悲惻爲言先生風事事堪勸
向有同里人夫工而妻織流離各一方唯恐填溝洫先生
衣錦歸策蹇謀物色邂逅值諸野僻處茅屋側入門無坐
處連坐車前軾肅修家人禮呼嫂問稼穡糠粃同一飽情
欲忘日晏古朴類如此吾儕多熟識予聞父老言咄咄提
胸臆鵲鵲巢一枝鵬飛六月息大小各有宜人心於何極
安得起斯人永爲世矜式遙思掛劍風回首暮雲黑

慰文安令李于浪陽

窮愁縛壯士飄泊困羈人未諧造物意此理難細陳王屋

半農齋集

卷一

三

送崑流俠骨產濟濱英謀徵射覆關隴識松筠相見驚何
晚期許非等倫賢書旣以售愈益愛吾真牛刀試疲邑濯
磨如飲醇惟期酬壯志不敢言苦辛長途悲短馭凋鮒失
縱鱗兩懷空鬱鬱行徃暫相親片言能悟主歲寒自有春
桑榆收未晚大壑多隱淪所貴在大節無愧乎斯民贈言
存吾道沽酒莫言貧

呈鄧元四夫子

清洛驥江水淡淡燕山雪水深津無梁山高路不陞風塵
數千里慷慨投佩玦文章憎命達白首忘提挈昔膺明哲
顧感慨深內熱休咎互相乘中道遭傾折各在天一涯音

容委寂蔑微祿羈長材長材效短節皇華歌道阻星霜撿
華銖今復勞割俎會計親頽肩往復存至理達人自超轍
自笑一何愚謀生老益拙驢背望華巔戴笠聆玉屑唯期
展素心不計鄰與涅席上坐方盈貧獨爲我設天地有何
負返躬得無缺

燕邸懷喬白山夫子

燕雀偶失群徇徨將安適且不受深林惟願君子宅君子
去悠悠春風冷几席澤中多好音徒悵形骸隔會心各自
知悶花發孤核立雪復何時惻惻悲行役

荅友人

半農齋集

卷一

四

幼小無拘忌長大縱所寄不爲達者榮豈爲窮者瘁邂逅
逢知己典裘博一醉門外不須喧恐中有荷蕢拔劍出門
去所悲在利器

壯遊吟爲丁翰林景行賦

離合何飄忽萍踪獨淒清孤館無聊賴托詩傳遠情向來
久集枯懶慢終無成勁翮蹲軒翥伏檻困鵬程此時空鬱
鬱壯心猶未平忽憶金臺彥遙思丹鳳城負劍出門去長
嘯輕儒纓妻子咄咄語怪我胡遠征丈夫志萬里安能事
躬耕進則趨堂陛退亦訪蓬瀛孤憤無所寄直向故人鳴
故人解我意談笑以相迎繡綬施青盼無異古班荆至今

五六年念之心猶傾倦遊歸去來衡泌守硯硯真長邱陶
米乞食有淵明賢者誠難測豈爲馮婦櫻所貴乎越俗損
益在持衡鵠鵠形易遁懸鼠飲易盈未能遠七慕敢復盜
虛名悲哉襍穢于此意向誰呈試看橫雙玉翩翩朝帝京

詠史二首

昔當周秦季干戈起桑田共將祖龍擊劉項乃比肩名成
狂阮籍兩雄不並連南陽氣鬱葱逐鹿驚失弦英雄艱歷
試念茲生民煎胡須大敵勇亂絲刀自便吁嗟龍準公用
武何多愆不以靖家難乃以斃豪賢南陽繩祖武幹蠱良
足傳聳言未可非石論豈其然

半農齋集

卷一

五

漢武好蛾眉邢尹羞相觸兩美易生嫌參商各自獨雄王
令艷莊尹氏知僞求一朝改素容低頭便屈服慧眼肖伯
顧那不動欲肅移情豈在多形骸徒碌碌能令妬者傾而
況雄心逐在苒付邯鄲過者悲空谷千年不復朝天地去
何速寬哉鈞夫人愛弛受顯戮英雄善欺人底裏誰能卜

動靜篇

動靜互相須不啻形與影渾噩莫知端群彙盡延頸地軸
生波瀾日月無停景功首渾敦氏神農畫萬井蒼梧煩舜
駕大禹歷海嶺湯武一馳驅萬姓皆引領西漢治猶古蕭
曹與霍丙唐宋聿初興未嘗無骨體如何絕世下亂絲

一整靜者且前荅胡言之獨梗試問義皇前羣生安所請

北極未嘗移位青蓮相承嗟人於世也如木之贅癭况值
唐虞後功乃亂之弊一人偶失利千奸圖僥倖與其學華
歆何如爲管邠山有孤竹薇木有參差荇自善陽春曲何
必歌於郢但恐有秦王坐中無文靜所以古之人笑名如
畫餅善哉東郭生聞言發深省譬彼一歲間倏忽變煖冷
畫龍豈能飛妙在能點晴呂尚奮鷹揚夷齊逃箕穎渠豈
異人趨惟恐汚所秉巧拙可誰欺涇渭判俄頃緇維古之
人我懷是耿耿兩論君須記慎勿希妄駟東郭遂前去
去非人境

半農齋集

卷一

六

客廣陵贈別王西樵吏部

秋水那堪讀杳然悲空谷忽從天際來不減登濠濮相對
各自知窮愁有幾斛咄嗟同門子存者十之六得失復何
論才名若自獨不觀龍門叟山川猶僕僕但得此中味寧
可食無肉小第樸樸材自分非韞匱近日讀岐黃此邪求
有哉不合又焉之滿目黃花菊他年君記否吾道遙相卜

之韻

京口三山勝盤江斷復連登高懷舊賦枕水咏長篇題景
忽旁觸直走夾山巔東盼春申封西瞻牛首眠南探華陽

跡北望廣陵烟上摘斗牛柄下瞰竹林泉踟躕疑無地御
風如坐船披雲騰數武曲折又一天古寺有招隱羽化有
八僊相傳事已往勝蹟猶宛然回顧三山處疑在武陵邊
前呼呼歐子歐子探清漣左呼呼戴子戴子看飛鳶右呼
呼徐子徐子如枯禪自笑形骸穢天涯且共聯誰料只尺
間瞬息落塵絲喘嗟浪遊子高蹈在何年儒冠多餓死幾
人視作田即余窮途客腰纏無一錢若復不放覓徒爲昔
賢憐搔破漉酒巾踞石揮鳴絃

嚴陵釣臺

浙東稱雁宕無緣作豹窺微情狎小遊曾過釣臺基疊翠
半農齋集

卷一

七

懸雙壘與交挺江濱稍割瞿塘險微分灝瀨奇云是嚴先
生曾此把釣垂哀然超物表高山流水期胡爲考元帝漢
臣自足喚先生既不仕言責非所宜行藏須異道語默自
殊時永嘉責先生母乃未之思吾謂釣臺石自勝商山芝

憫農十首

蕭索一孤村閒雲傍日吞歛息聊相匹空房育野豚聽說
梅療渴姑將腹自捫敢言見有哺阿父且無禪薄暮還家
未催租已到門

荷鉤訪田隣幾處烟火鬚髮奴方說勾容復薦嚴遵竭爭
警未解遊民飲已醉莫言婚嫁畢微族愧朱陳但願生有

托何暇厚人倫

年少俄相聚不忍言別離負載趨壘斷猶勝哭途岐市兒
僥智巧乘便利其危美衣而甘食反笑愚民痴人生行樂
耳躬畊亦何爲

偶值新穀登亦足樂曲肱時危關百慮得失橫相乘暫娛
瞬息命敢辭面目憎茫茫大海水不辨濁與渾沮溺胡獨
幸至今有聲稱

天旋而地轉日月互相循古人豈好勞伊尹耕有莘自從
井田壞薄俗遯難淳天不愛吾道良民每見屯君如不吾
信請觀我比隣

半農齋集

卷一

八

我家有西隣唯知畊與讀歷試諸般艱禦冬無旨蓄坎珂
謝人間兩子俱不祿凄然絕後嗣故廬走麋鹿聞者嗤笑
之謂彼太碌碌

我家有東隣素爲人所鄙一旦棄田間去遊街市裡片紙
施丹粉家聲遂隆起諸老酒色中得得生五子還笑所鄙
者胡爲只如此

我家有南隣本是匠人子父業薄不爲投身公門裡出入
拖衣衣哀然誇鄉里厥子足繼武親戚橫相倚有罪官不
問謂可緩急使

我家有北隣羸悍不循人呼盧恣快飲耻言耕與貧所交

盡豪猾睚眦莫敢詢張目向人言法豈爲我申自少壯且
老官府不一嘆

中降是老身貧與病相循無計養八口強爲胼胝親老來
筋力憊那得如健民料理偶失序老幼橫加嘆觀者掩面
笑謂渠本搢紳

飲酒十首

泡影現波中手勢安能束鶴頸非愛長鳧頸不嫌促萬古
雖云遙皆由一息積壽夭雖殊年皆歸七尺咎人無再來
軀惟有歡難贖不觀蜉蝣羽楚楚鑽花曲

爲歡雖及時終似風中燭遙思身後事何如令名勗聖賢

牛農齋集

卷一

九

憂世心立訓叮嚀督要使後之人懲忿而窒慾千載去悠
悠此意將焉屬惟有君子知醒眼空世俗

令名固所珍而亦悲射覆幸爲達者知愚者轉相詬所以
有心人避名如避寇閉門讀黃庭作吏每勾漏去得三重
盡始得六根透倘伴六合間無人知老幼

丹砂即可烹未易窺其要甚或構奇病扁鵲不能療西域
有異人八極恣長嘯聲言五蘊空坐得無生竅賢者且相
驚而况愚不肖尸祝通民居荒山俱立廟

聚散如鹿豕自古皆如此既曰有輪廻安得不生死吾道
貴中庸所以惡似是真偽可誰欺一一載圖史得意忘言

詮造化供驅使義農至今存宋儒會此理

吾儒不自慙強復分同異偶得一字師謬謂人辟易即得
九似高何如終一簣吾黨且相尤異端復何忌所以仗劍
者慨諸肆巧嘗謂我本小人終勝腐儒僞

腐儒誠屑屑所矜在各節苟非孤竹清豈遂無淄涅譬彼
秋吟蟬非不高且累回思脫蛻時却自污泥穴牧豎固能
言漁翁亦有舌傾身營一醉此理自可徹

鬱鬱通神明古人有至情胡爲階之厲沉酒恣懽醒愚者
忘其故賢者耗其精晉人多曠達咸稱阮步兵醉後說真
言醒過轉相驚痴人不解事搔首笑長庚

牛農齋集

卷一

十

淵明有五兒稱心固無匹况有王弘酒可洗塊磊疾小于
謏劣材念之百無一徒以五斗故蠶衷可相質夕夕持空
盃酒腸胡太室無勞琴上絃先生言足述

謀生各有屬要在自知勗如何涉涉躬愈趨而愈俗庭前
柳亦衰閣上書常束浩然學長征畏受家人辱且行還自
思下和曾泣玉不如劉伶酒夜夜澆腸曲

咏懷十首

梧桐清以凋秋後忽凋滅新柳及春濃遊人爭採擷松栢
產山隈踪跡自孤絕樵者貪天功有時遭玷缺精靈不可
磨琥珀盤石穴

鳥鵲挾利嘴欣欣驕羣侶爲技亦已微唱和莫敢抵天字
亦云曠飛鳴不過里鳳凰翔千仞笳笳遡樓止使人常見
之安知俗勿鄙

漂泊水中萍非黑亦非白摘者安其常終始無嫌擇買人
市素絲五色頓改易本以悅人觀而反遭擯斥欲反舊時
容態染已難革

雲乃山之氣風乃雲之轡出入相因依起滅相倚庇氤氲
藹長空羣生資育位時或失其常曉曉起物議萬古皆如
此無人辨真僞

人生固有涯嗜慾爲之厲涉山架高樓猶言勿容睺鑿井
半農齋集 卷一 土

求甘泉猶言深勿銳不如水中鳬與波上下際逍遙隨化
遷身外勿復計

腐草有何能倏忽生羽翼纖纖弱不禁乃分日月色羽族
雖多奇明暗難兼得吾愛陌上螢用奢而體膏莫嫌形易
消好物自難壚

年小學從征悵望去寒谷反畏消息來誰將握粟卜泣血
織迴文夫婿不能讀落日惟孤鍾明月照獨宿非不切回
鄉丈夫鄙食肉

萬里遶長空秋雲浮海曲海曲有伊人長嘯無係屬欽霞
以爲衣嗽波以爲粟落日没千山荏苒又初旭神龍亦可

烹所患在多欲

繩床繫尺瓢霜月掛庭樹皎清夜心幽人起獨步昂首
盼空濛雲自疎林渡無端發清響蟋蟀吟秋暮自問有何
知還笑杜武庫

洞庭多奇波終南饒積翠常與世相親亦與世相棄孤鶴
有餘禱開伴白雲契渴飲湖中水饑啄山中稱舒卷凌長
空不向人間寄

與王葛山邑侯

竹馬迎何夕忽忽今猶昔士窮思鮑叔民窮思召伯造物
有深情要在自裁擇我愛聖人言求友貴三益敢蹈臧明

半農齋集

卷一

土

高愧乏治安策興到歌樂只乘閒聽飛鳥窮愁懶著書坐
觀滄海碧

北征

少讀北征篇懶情不盡記人情無古今效顰何足異有子
乘奇疴四肢俱失利乃復奪之年令我生欲棄良友寄書
來勸我隣家避隣家只尺間徒以亂人意不如浩然還可
以忘顧忌遡近隨輿夫未遑謀糗糒行未及浹旬又手面
相覲梁苑有伊人風流頗自責飲我以家釀別我在旅次
忽忽至黃河飄風猛似鷲假榻健兒營亦荷斯須庇珠粒
未沾唇游揚口不啻舟子連招手諫言舊相企半渡肆咆

吟渠云聊爾戲小人無心肝同阜悲牛驥新樂有故人里
居曾把臂入俗幸未深千錢博一醉復有門下士出宰文
安地候傳消息來錯愕令人悻相對并往中拊膺增涕泗
當事重素交披衷相擬議聊以情可矜有北姑勿畀子今
去長安諒亦人辟易三輔甚荒涼行行勿緩轡吾行還自
思長安如市肆寶玉固云多真價亦難酬曾聞學使君衡
文選上駟庶幾筆硯間可以分餘賦敢云浪乞憐道義相
責備三月抱河梁空函未一寄孤鶴乞餘糧枯燈伴古寺
不見顯者車但見荷者責自分生可捐不容骨可媚一朝
故人來輾轉爲我誓曾聞孔聖人乘田亦委吏捧檄伊何
半農齋集

卷一

三

赴滄

復欲終前簣食除有次第拖杳聽呼名如渡爭先濟遑巡
二豎侵有戶門常閉庸醫袖藥來無錢勿付劑居停憫我
窮屋價久未稅一旦恐溢焉督催如郵遞在再陽和回餘
生亦已資僉言朔苦饑破釜猶堪綴人趨我亦趨蓬蒿雜
茶蕙愧未交四海誰言皆兄弟錄選判滄州聞傳非佳麗
骨復鮮脂韋如何展微藝急向故人謀謂今有新例孝思
人人同位不分巨細函發已臨緘吾師來天際張目向予
言奈何不努殲分誼勿得辭向壁暗流涕形影互相咨藥

寒遮以悅躑躅遠河津四盼無遺穗破暑雜狐狸充饑沽
市糲堂吏倨如貴市商驕似皆有民不我緩有上不我隸
試問我何司督夫勞於泥春工尙未完冬涸又相繼漕卒
逼河干有犯窮根蒂各位雖卑卑而寔有關係彈職固云
艱况復叢姦弊淺夫六十名年年更捉替老病要人扶體
復無衣蔽竄去無人拘拘來亦饑斃私貼既非公說名又
虛砌奸民不敢詢反欲加之惠稍欲清其原官先受其蝕
舊質既難仍易轍又非計吁嗟昔之人奈何階此厲風雨
寢河干度日如度歲昂首望故鄉撫躬傷匏繫

署篆

牛農齋集

卷一

古

撫躬傷匏繫無因到故鄉忽覩南飛雁上谷遂踉蹌當事
知我意搖手示勿違近有肅寧邑前令敗以駐盤根須利
器代庖汝且當謬蒙當事盼不敢遲束裝未至肅寧邑先
上太守堂太守喜我至咄咄喚街房街房呈案牘約畧有
半箱聲言奉新例部駁嚴於霜小人受上催夢寐都勞攘
幸今毋再誤徒受池魚殃唯唯遵上命未遑辨否臧久之
窮日夜乃得透微芒如人病堅積攻下須硝砒又如當大
敵破敵在擒王片言折大獄斯民乃小康如何最爾邑批
政甚披猖里設門頭役戶戶排成行每年新易舊飛檄有
千張衙役數勿充親戚互相匡一唱而百和暴橫類析楊

老吏善窺探進退故徬徨謂我酸士態可以利言嘗慷慨
數陳卑氣高而足叩從來悲場竈今方悟面牆恨不挾利
劍斬彼虎與狼古人曾閉閣吾且學包荒處囊謀脫穎馭
馬須執轡一朝敷甲令革弊如斬鋼妮妮數百言悉中民
膏肓相傳數百里眉目盡飛揚謂我善撫字荷擔遍坊廂
催科無片紙完納已盈倉溫言詢父老父老言頗詳歷言
吾儕苦窮丁更可傷弱肉資強食大都李代僵自仁爺下
車此風不敢倡前日爺往府親自解兵糧爺俸爲我捐我
敢後輸將父老相別去予心轉悽惶不聞昔人言空作嫁
衣裳堪嗟問津者未渡先毀航斯民識此意攀轅愈欲狂

半農齋集

卷一

五

贈錢思劉壹遺愛頌甘棠後世巧亂真攘作買名方吾恐
蹈茲轍悄悄出荒塘奸胥喜我去如拔眼中釘善良愁我
去搥胸雨泪汪鄉民未及知不得到眼睜襁負追至府飲
我以壺漿人心無今古世道有滄桑猶記今蘭時努力正
方強百凡無拘忌如筍初出簞一蹶不復振十載臥高岡
今復棲枳棘衾影愧仇香奈何偏強性老復如桂薑握栗
向誰卜自嘆還自商

南還

自嘆還自商托跡比蜉蝣漢有東方朔晉有抱朴叟哀然
稱上隱進退兩無求曳勉師此意謂可聽沉浮誰知造化

翁爲善似相讐悠悠六月內汨汨洪水哀穿破千尋穴突
地湧成流勇者不及決智者不及謀望洋呼帝力父老爲
我籌延哀三千里何處保安流天意存傾覆禹功未易俾
放眼觀滄海倏忽變良疇父老誠愛我我終不解愁六龍
迴瓠子千弩射潮頭破寒思墮戶未雨賴綢繆我誠不自
敢安敢怨陽侯只緣骨不媚吹疵易索說同聲喜我敗謂
今得反休薄言將往愬直道又遭尤須更食後死一任呼
馬牛武子愚難及婁公度未優抱石人何在賈生哭已遭
自顧生無補親惟子疾憂鴻毛輕未擲倏忽已驚秋張緒
風流失休文病亦瘳束縛終前簣差償牛後羞飛潛相友

半農齋集

卷一

七

匹唱和雜樵謳勤情環相許旁觀巧自度官卑無賞罰不
敢辨薰蕕一誤難堪再微勞亦少酬急上陳情表饑鷹望
脫韝幸叨當事盼不敢少逗迺積逋牽衣索沽酒無鷓鴣
稅駕知何所空憐水上漚五更孤月上徒步出滄州秋色
濃還澹山雲斷復勾臨流畏返照形惟影作儔俯眺經遊
處今昔迥難猶未請壺公隱羞登王粲樓故園無恙否焦
悴半松楸自嘆生還幸敢復傲浮鷗閉戶從茲決朋戚老
耘耔

偶然作三首

滔滔一江水泛泛不可羈徘徊復徘徊願言寄所思所思

在何許寸心只自知沽酒無城市治田無錫基但期抒吾
素矢勿去茲

禹稷躬稼穡沮溺胡見譏達者貴道廣隱者戒脂韋鴻錫
用千仞鵬鷖遠離飛大小固有宜所貴在審幾力研豈不
苦幸勿與心違

青山如可移胡爲常別離青山如不移胡爲常相隨非是
青山隨白雲與我期白雲生山谷飛來入我帷相抱入山
谷亦足抹吾饑

自訟七首

壯志愁消歇所如浪着鞭海陵百里遙去之如奔泉比肩

牛農齋集

卷一

七

誰氏子天涯每共憐願言鳴吾素杖頭乏酒錢修焉玉樹
杳承懷不復堅復灑離人泪倚樞返江邊三徑清霜老病
骨帶愁眠深潭臨萬仞一似愧茫然

一樹遮雙戶夾巷兩家掃迎送不知誰覓王詢野老宅呼
挺新畬僉言卜居好我懷古人誼不忍離別早亡何老者
亡少者不相保兒輩向前陳煩惱胡自討吾謂汝何知吾
本無煩惱箕豆本同根良言胡勿考

江水遶江頭先業半箕裘飛鴻驚野集流離失故丘我念
故人後不忍奪其疇輾轉墮籬下去留不自由臥榻容軒
睡貽謀或未周吾聞先人墓昔日枕高樓淪桑旦暮判牛

眠安可求試觀我石不逐大江流

憶昔解簪歸屋上梁飽蠶坐畏拮据遲茫失故步急欲
返舊廬中流安得渡乘輿重僕居懶惰如泥塑豐年殫所
收不足當國賦估值抵舊債多寡併禮數佳者充中飽敗
者委於路徒爾東復西自笑不如奴

謀生敢求佚所秉非壯質孺子亦何知僕夫窺我悉以寔
告居停奸弊互相驅誘我登輿去兩馬盡奔逸小人無心
肝証人亦多術徒步遠河行嚴霜如膠漆少年重意氣老
來成痼疾至今三十年嚴寒不敢出

良玉雜瓦缶汚泥產白藕妙惟造化知難向痴人剖先德

牛農齋集

卷一

七

重箕裘栽培唯恐後挈綱走四方翻愧徒株守堪嗟杜紫
薇湖姬訂良偶尋芳到已遲復藉花滿柳千載意相關才
乃恨之數鵲鵲鵲難佳難入妬婦口

西北冀雍方自古作帝邦穹窿盤地脉念之心徬徨空勞
故人遙勿獲渡我航堪嗟今之人披衣懶上堂乃復佞
然哀沉而吊湘不問杜紫薇落魄遇奇章晏嬰贖石父佳
話至今長奈何萬里志恂恂學面牆

乙卯除夕避置於海神廟兒輩相繼促歸多方慰遣
始去

人生豈不老未有不小已老令人悲未老常恐天憂思

相纏綿不異女蘿。葛憶予幼食貧先業悲續紹未遑事詩書。遂巡諸孤藐敢云昌厥宗。但期瞬息保長復。歷多艱憂心常似標。十年博一第。翻受無窮懊。稍稍見平生。一令清如礪。三年據蕨藜。五日悲京兆。吾愛陶彭澤。出處皆草草。歸來未四十。咸謂回頭早。壯心不自持。復走燕與趙。荆棘一浪接。滄地幾爲沼。猛自急流回。回首已成皓。吾愧陶彭澤。多此一畚。擾薄田。既可畊。衡門亦可掃。四十九年非冥搜。腹中藁時乎不再來。撫膺空自壽老母。日劬劬形容已漸稿。孤侄既書生。獨子又幼眇。歲歲臘月中。索逋盈門繞。磨門五尺童。慍怒見言表。無計傳解嘲。默然竄諸道。西隣

半農齋集

卷一

尤

有毛子怪我何潦倒。握手告以故。吾欲登三寶。渠指海神廟云。可恣晚眺。雞唱笠中辰。星河意外皎。三四老頭陀。禮拜默相禱。晨夕與周旋。聊以當蓬島。兒輩未忘機。曉曉膝下遶。僉言胡不歸。此舉得毋矯。吾謂汝何知。吾且爲汝曉。仕宦去桑梓。閒闊音信杳。商賈走天涯。踪跡無所考。吏胥謁公庭。忘却良辰好。甚者吃官棒。圍圍有饒殍。人事多不齊。明月有盈朧。丈夫七尺軀。安得似籠鳥。吾非愛空門。聊以避煩惱。不觀陶彭澤。乞食亦可了。見輩咨嗟去。叉手歌集蓼。

元旦治田事里兒詫爲怪妄戲拈四十六韻

大塊一九幅。資生妙化育。芸芸者何爲。輓轡如車轍。大舜耕歷山。伊尹隱莘谷。未聞薄不爲。晚乃登華屋。沮溺耦而畊。名亦非碌碌。惟有尼山公。掉頭勿屑逐。泰山小丘垤。丘垤甘臣僕。自問還自知。難蹈道傍築。所以昔之人。坎坎思伐輻。江皋有眉子。此意頗能蓄。自勿把犁鋤。間或握書讀。薄植幸逢年。唯恐譏覆餗。急返舊時廬。三徑荒如沐。自顧無長策。時復悲杼柚。如何不力畊。坐令母無鞠。年少里中兒。拍手笑黃犢。每當歲華改。冠服新且或。結隊相奔馳。飄忽如霧縠。俄頃歷數村。酒歡復擊筑。老眼眼生花。腰軟頭撲撲。恨恨不能隨。雲見春草綠。飯飽力稍雄。私念當惜福。

半農齋集

卷一

子

舉手荷新鋤。鋤土培新穀。行人問相傳。觀者來如醵。矢口恣低語。視我如槁木。我豈異人趣。自笑還自卜。禮卽爲我設。我亦厭重複。吾母髮盡白。搖手勿受祝。吾族趾相錯。朝夕相親睦。吾隣多素心。虛文不我穀。吾令未常干。竊欲比閔叔。迺沓旣已捐。套數亦已熟。奈何不自營。終日徒鹿鹿。吾非不愛逸。吾寔有吾腹。一日食勿充。而飽貴如菊。七日食勿充。奄奄登鬼錄。吾聞古人言。須辨麥與莠。老農諳陰晴。荒熟知倚伏。小農筋力強。十羊笑九牧。富農糞沃勤。倍收數十斛。數者吾一無。安得不勤速。不觀古之人。寸陰惜忽條。春朝豈不吉。天子豈不肅。三推勸民耕。古風歌穆穆。